

續資治通鑑長編
(136册)



續資治通鑑長編卷二十二

宋 李燾 撰

太宗

太平興國六年春正月庚子朔御乾元殿受朝
癸卯以保寨軍為保州以梁門口寨為靜戎軍

乙巳詔曰百里之長字民之要官也今縣邑廣而闕員

多選曹拘以常調歷年未補非所以振淹卹惠吾民也

適變通方宜從新制其令諸路轉運使下所屬州令長

吏擇其見任判司簿尉之清廉明幹者具以名聞當驛

召引對授以知縣之任焉呂源曰出宰百里最近于民

引對親視才而授之雖一命初任亦臨軒
顧問臣已釋于前矣况乎百里之重乎

辛亥易州言破契丹數千眾斬首三百級馬五百匹器

甲以千數

乙卯建易州大保寨為平寨軍

實錄又於此月丙寅書改靜戎軍為靜安軍按

周顯德二年三月辛未於深州下博縣李宴口置靜安軍雍熙二年軍始廢自周置即軍名靜安未嘗更名靜

戎也或者靜安亦嘗更名靜戎而史失不記及是別置靜戎軍於梁門寨乃還靜安故名即會要與實錄同然

都記改靜安為靜戎在何時恐實錄會要相承致誤今削去不書

丁卯令諸道轉運使察訪部內官吏有履行著聞政術

尤最及文學茂異者各舉二人

是月遣八作使郝守濬等分行河道抵於敵境皆疏導

之又於清苑界開徐河雞距河五十里入白河由是關

南之漕悉通濟焉

此據河渠志

三交西北三百里地名固

軍溪谷險絕敵之所保多由此入侵潘美潛師襲之敵

棄城遁軍吏安慶以其族來降因積粟屯兵守之自是

敵不敢侵軼邊民以安

安慶來降實錄無之據潘美行狀乃六年正月事今附月未徐

度國紀繫之四年八月癸亥又云三交口即固軍誤也

二月癸巳詔曰古者懋建庶官分治百職考其幽明之狀以申黜陟之典今則無聞焉故京朝官釐務於外者咸給以御前印紙令書治迹而三司不能彰明臧否但以細碎之事混淆其間非所以副朕詳求之意也自今循常之務非課最者不得書為勞績其殿犯無有所隱

宋朝要錄詔曰朝廷申懲勸之道立經久之規應羣臣掌事于外者悉給御前印紙所貴善惡無隱也自今出使臣僚在任勞績非尤異者不得批書會有殿犯不得隱匿

丁酉令羣臣居喪被詔起復者須卒哭朝謁其俸料自

詔下日給之

國初以供奉官殿直承旨為三班隸宣徽院三班多貴

族子弟豪縱微倖未立程準而奉使者多訴勞逸不均

是月始命御厨副使洛陽楊守素等點檢三班公事權

以內客省使廳事為局總其名籍差定其職任考其殿

最焉此據會要及楊守素傳也實錄于雍熙四年七月庚辰書詔置三班院以蔚進掌其事然後書三班

訴勞逸不均蓋誤也東京官賣麴斤為錢二百詔減五十

三月丁未令諸司職掌自今遷轉只於本房本司無得

越局

己酉山南西道節度使同平章事德芳卒年二十三贈

中書令追封岐王諡康惠

癸丑詔曰峽路轉運使言知渝州路憲知開州郟士堯

知達州張元等弛慢不治並已衝替宜令諸路轉運使

察部下官吏有罷軟不勝任怠慢不親事及黷貨擾民

者條其事狀以聞當遣使按鞫其清白自守幹局不苟亦以名聞必加殊獎

丙辰以霸州淤口寨爲破虜軍雄州親鎮爲平戎軍

丁巳高昌國王阿爾斯蘭汗始自稱西州外生師子王遣都督邁遜來貢方物

戊午通遠軍使羅州刺史董遵誨卒詔遣中使護其喪歸葬京師賻贈加等錄遵誨子嗣榮爲殿直

己未以淮南節度副使崔仁冀爲衛尉卿淮海王俶言其才可用故也 交州行營言破賊軍萬五千眾於白

藤江口斬首千餘級獲戰艦二百艘甲鎧以萬計於是侯仁寶率前軍先進孫全興等頓兵花步七十日以俟劉澄仁寶屢促之不行及澄至并軍由水路抵多羅村

不遇賊復擅還花步賊詐降以誘仁寶仁寶信之遂為
 所害有二敗卒先至邑市奪民錢轉運使周渭捕斬之
 後至者悉令解甲以入民乃安時諸軍冒炎瘴又多死
 者轉運使許仲宣馳奏仁寶戰沒且乞班師不待報即
 分屯諸州開庫賞賜給其醫藥謂人曰若埃報則此數
 萬人皆積屍於廣野矣乃上章自劾詔書嘉納之遣使
 召劾澄等會王僕病死澄與賈湜並戮於邕州市徵全
 興等下獄全興伏誅陳欽祚郝守濬崔亮皆責授團練
 副使欽祚慶州守濬磁州亮嵐州贈仁寶工部侍郎官
 其二子孫全興伏誅陳欽祚等責降實錄在十一月丁巳侯仁寶贈官在明年二月庚寅獨不知戮劉
 澄等是何月日今并書于此呂源曰太平興國五年七
 月孫全興等平交州庚戌全興等辭赴嶺南詔引進使
 梁迥供帳于玉津園餞之嗚呼全興等以小官奉使恩
 禮既隆責任益重數路勞費以供是役兩界赤子陷于

兵刃者不知多少之數也全興不能體國乃與侯仁寶較毫釐之利有彼我之分遂無成功誤國大事償之一死不為過也詔諸州大獄長吏不親決胥吏旁緣為姦逮

捕證左滋蔓踰年而獄具自今長吏每五日一慮囚情

得者即決之上不欲天下有滯獄乃建三限之制大事

四十日中事二十日小事十日不須追捕而易決者無

過三日三限別本實錄繫之又詔囚當訊掠則集官

屬同問勿委胥吏撈決別本實錄在四月丁丑今從本志附三限後

夏四月戊辰廢湖州織羅放女工五十八人

辛未幸太平興國寺相國寺禱雨

上躬親聽斷京城諸司獄有疑者多臨決之是歲自春

涉夏不雨上意獄訟有冤濫會歸德軍節度推官李承

信市慈有爛者答園戶病創數日死已卯承信坐棄市

丙戌高麗國遣使來貢方物 禁東西川諸州白衣巫

師

五月辛丑契丹以七千人入侵平寨軍守將擊走之所

殺獲甚眾詔褒之

此據別本實錄恐即是六月丙子所奏也然別本特以為二事當考

癸丑令內侍省細仗內先衣黃者並衣碧吏部黃衣選

人改爲白衣選人

甲寅遣供奉官王延德殿前承旨白尙勳使高昌

己未德音降死罪囚流以下釋之禱而雨故也

太子中允潘昭緯知天長軍擅增價鬻官茶爲商人所

訴乙丑昭緯坐除籍爲民

六月甲戌贈太尉中書令諡文惠司空同平章事薛居

正卒居正風度瓌偉操行方正爲相任寬簡不苛察士

君子以此多之其妻悍妬不生育惟吉其養子也有勇
力不習文與沈繼宗等俱拜官獨授諸衛將軍喜聲色
交遊非類居正不能止於是上臨其喪出涕其妻拜於
喪側上存撫數四素知惟吉之行因問不肖子安在頗
改節否恐不能負荷先業奈何惟吉伏喪側聞之驚懼
愧赧不起自是盡革故態謝絕素與交遊者居喪甚得
禮既而多延接賢士大夫亦稍涉獵書史上知其修飾
故數委以大藩所至稱治累遷左千牛衛大將軍遭母
喪故事卒哭當起復惟吉懇求終制優詔不許時論異
之

丙子平寨軍言破契丹萬餘眾

此據實錄別本實錄亦同恐卽五月辛丑日事

本紀無之當考

秋七月丙申朔延州言大水溢入城壞官寺民舍千六百區上將大舉伐契丹遣使賜渤海王詔書令發兵以應王師其略云聞爾國本為大藩近年頗為契丹所制爾迫于兵勢屈膝事之讒慝滋多誅求無已雖欲報怨力且不能所宜盡出族帳助予攻取俟其翦滅當行封賞幽薊土宇復歸中朝沙漠之外悉以相與然渤海竟無至者河中府鄜州皆言大水

乙卯嵐州言戎人五十三戶三百六十三口內附遣戍卒迎之為敵騎所邀因擊破其眾斬首十七級初上幸大名彰德節度使李漢瓊以鎮州兵馬鈐轄見于行在陳計策頗合上意即日命為滄州都部署賜戰馬金帶寶劍戎具以寵之於是被疾召還京師八月乙

丑朔上親幸其第問勞賜白金萬兩及卒贈中書令漢

瓊無嗣上聘其女為皇第四子德嚴夫人漢瓊為滄州都部署實錄

不載今附見皇子德嚴後改名元汾

庚午詔免兩浙東北路轉運使王德裔仍削兩任追先

所賜白金千兩坐簡慢不親事部內不治也甯州言

大水

乙酉詔諸道知州通判知軍監縣及監糶物務官任內

地滿三年川廣福建滿四年者並與除代詔州縣官

坐事配流諸州者改隸京百京按此條疑有脫誤

九月乙未朔日有食之

舊制賜敕葬者皆內諸司供帳或言其不便戊戌始令

所在州府以官錢賃僦

東上閣門使程德元攀附至近列上頗信任之眾多趨

其門或言其交結太盛庚子出為崇信行軍司馬別本云坐

懈于事而不副所任今不取先是中書請以著作郎洪雅田錫為

京西北路轉運判官錫不樂外職拜表乞居諫署且獻

升平詩二十章上悅之翌日改授右拾遺直史館時盧

多遜專大政有司受羣臣章奏不先稟多遜則不敢通

錫初從幸大名欲獻平戎歌多遜許之始得進御又嘗

詣閣門獻書請皇帝東封其書不實封且言已白多遜

閣門吏乃受其書又令錫依常式署狀云不敢妄陳利

便希望恩榮錫自念有言責欲關說于上猶如此委曲

事體非便乃貽書多遜乞自今諫官上章勿令閣門署

具狀多遜不悅壬寅以錫為河北南路轉運副使錫因

入辭直進封事曰

國史田錫傳載諫官閣門署狀書云

相乃六年九月辛亥在錫為河北轉運後凡十日又實

錄載錫所獻書比本傳尤詳書言從駕大名及二月十

六日請皇帝封皆非當國時明甚書又言相公佐

先帝取吳越事今上平并汾其稱多遜亦明甚不知兩

朝史官何以如此差誤也使趙普蒙此惡聲豈不冤乎

今別取錫所著成平集檢其謝敕書獎諭表獻幸相書

升平感遇詩參考除左拾遺直史館至今五年九月二

十三日由著作郎授河北轉運三館入辭遂上封事

十日獻多遜書九月授河北轉運三日入辭遂上封事

錄在王寅初八日也其他則用錫書表等辭剛修訪略

其一日以便筆削按錫為諫官幾一年蓋未嘗言事詣閣

門一遇詩云阜囊初上聊供職也為諫官幾一年事之可

感遇詩云阜囊初上聊供職也為諫官幾一年事之可

言者固多矣而多遜逆閉其途雖有章疏亦不得通非

因出使入辭實封直進御座則雖太宗之聖終亦不聞

此也嗚呼姦臣之臣職在箴規難循默敢獻軍國要

機者一朝廷大體者四惟陛下留神察之夫賞不踰時

國之令典頃歲王師薄伐克平太原未賞軍功逮茲二

賞資台置監長編

卷二十一

載今范陽堅壁竊據疆封獯鬻薦居不修朝聘若煩再
駕固當用兵雖稟宸謀必資武力願陛下因郊禋耕藉
之禮議平晉之功而賞之則駕馭戎臣莫茲為重此要
機之一也按四年十月乙亥已行太原之賞錫今交州
猶以為言或者賞未遍及故也

未下戰士無功春秋謂老師費財兵書曰鈍兵挫銳臣

聞聖人不務廣疆土惟務廣德業聲教遠被自當來賓

臣嘗讀韓詩外傳周成王時越裳九譯來貢周公問之

曰本國天無迅風疾雨海不揚波三年矣意者中國有

聖人盍往朝之是知不必加兵自然內附交州謂之瘴

海得之如獲石田願陛下念征戍之勞思用度之廣愛

人惜力無屯兵以費財修德服荒無略內以勤遠亟詔

執事寬其誅鋤又何必蕞爾蠻陬勞於震怒此大體之

一也案六典左右拾遺補闕掌供奉諷諫凡發令舉事
有不便者小則上封大則廷爭給事中職在封駁詔書
封謂封還不行駁謂駁正所失起居郎舍人立赤墀之
上記錄言動卽古左右史之任也邇來諫官廢職制詔
有所未當給事中不敢封還駁正遺補亦不敢直言其
失起居郎舍人不得升陛紀言動聖朝美事或有所遺
陛下德音或有不錄又御史不能彈奏左右丞今尙闕
員中書舍人典掌書命未聞訪之以事臣意其各有所
蓄欲待顧問望因清燕召而訪之俾盡悃誠以觀器業
又集賢院雖有書籍而無職官祕書省雖有職官而無
圖籍伏讀去年九月丁未詔書戒勵百官並于朝堂習
儀及委憲司糾察斯蓋復古道振朝綱然但見習儀未